

## Universitätsbibliothek Paderborn

### Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Secunda Secundæ Et Tertia Pars Divi Thomæ Complectitvr -  
Qvæstiones Insper Ad Mores, & praxim spectantes, maximè circa  
Sacramenta, accuratè declarantur

**Carleton, Thomas Compton**

**Leodii, 1664**

Sect. II. Objectiones quædam contendentes Scripturam non esse regulam  
Fidei.

**urn:nbn:de:hbz:466:1-13826**

*In definiti-  
bus verba  
generatim  
sacrum à  
Deo fo-  
ntur.*

quos est potestas definendi, ut congruo modo veritates hasce exprimant, & nobis credendas proponant. Deus ergo in utrisque sensum, seu res ipsas in particulari intendit, & in Scripturā ad ipsa etiam verba specialiter dirigit, & ad hanc peculiariter verba scribunt hagiographum moveret, in definitionibus autem verba in genere tantum, modo ad rei definite declarationem sint idonea, intendit.

*V.  
Declaratur  
quo patet  
Scriptura  
sunt regula  
Fidei.*

*Ex sacris Li-  
teris constat  
Scripturam  
esse regulam  
Fidei.*

Ex his itaque infertur Scripturam sacram esse regulam Fidei, cum sit certissima, utpote Verbum Dei, & in ejus auctoritate, quæ infallibilis est, fundata. Quare nihil in Scripturā, quantumvis minimum reperitur, quod non sit a qualis auctoritatis cum maximo: unde mendacium aut falsitatem in Scripturā reperi est impossibile, & est regula planè infallibilis. Hinc S. Paulus 2. ad Timotheum 3. vers. 15. *Ab infantiā, inquit, tenet constat sacra litera nostra, que te possunt instruere ad salutem per fidem: & vers. 16. Omnis Scriptura divinitus inspirata, utilis est ad docendum.* Ad hanc autem veritatem probandam aptissimum est illud Christi Joannis 5. vers. 39. *Scripturam Scripturas, ille sunt que testimonium perhibent de me.* Quare & Concilium Tridentinum sess. quartā hanc veritatem expressè definit, & ex communī Sanctorum Patrum traditione amplectendam esse ostendit.

## SECTIO SECUNDA.

Objectiones quedam contendentes  
Scripturam non esse regulam  
Fidei.

*I.  
Objic. Non  
suffit omni-  
bus hagio-  
graphis no-  
tum se in-  
fallibiliter  
scribere.*

**O**BJICES PRIMO: Omnes, qui Scripturam sacram exarunt non scibant se ex inspiratione Spiritus Sancti, & infallibiliter scribere, ergo ipsorum scripta non erant certa & infallibilia, & consequenter non Verbum Dei, nec norma seu regula Fidei. Respondetur negando consequentiam, ipso facto namque quod Deus librum illum dicit, infallibilis auctoritas sit necesse est, & Verbum Dei, sive id sciat scribens, sive non; liber enim aliquis infallibilitatem suam haerit, non à scientiā scribentis, sed ab intentione dictantis, seu inspirantis.

*II.  
Librum ali-  
quam prius  
non cano-  
nicum posse  
Deus posse  
reddere ca-  
nonicum.*

Unde ulterius existimo posse Deum librum aliquem, qui antea non erat canonicus, reddere canonicum, affirmando scilicet eum esse verum, eo ipso enim quod hoc præstet Deus, libro illi conferre infallibilitatem, acceptatque pro suo, quamvis primo à profano auctore fuerit conscriptus. Quare S. Paulus interdum profanorum auctorum dicta usurpans, ea reddit canonica. Quamvis autem Ecclesia hoc facere nequeat, potest nihilominus librum, qui necum est declaratus canonicus, declarare esse canonicum, siquæ ostendere divinam auctoritatem illi esse annexam: imo hoc circa libros quosdam canonicos præstiti, de quibus aliquando fuit dubitatum, ut in veteri testamento sunt liber Hebreo & Judith, liber Tobiæ, Ecclesiasticus, liber Sapientia & Baruch, primus etiam & secundus Machabœorum. In novo autem testamento controversia aliquando fuit de quibusdam Epistolis, Divi Pauli ad Hebreos, S. Jacobi & S. Judæ, & S. Petri, 2. & 3. D. Joannis, cum ejusdem Apocalypsi: quæ tamen omnia ab Ecclesiâ jam sunt approbata, & inter libros canonicos recensiti.

*De quibus  
omnibus  
libris  
fuerit dubi-  
tatu utrum  
essent cano-  
nici.*

ta, ut in Concilio Tridentino habetur Sessione quartâ.

OBJICES SECUNDÒ: Regula aperta esse debet, & omnibus perspicua, utpote ad quam veluti normam explorare sua quisque debet ne aberret. Quare sicut præcepta, ad quæ actus omnes voluntatis conformare nos oportet, clara esse debent & aperta, ut quid agendum sit cernamus, idem dicendum est de regulâ intellectus. Jam verò Scriptura in plurimis locis est obscura, ita ut difficillimum sèpè videatur ejus sensum assequi. Imò aliquando literalem sensum sequi debemus, aliquando litera occidit. Sub eadem etiam literâ variis interdum sensus continentur, qui ejus obscuritatem non parum augent: unde vel hoc nomine non videtur apta Scriptura, quæ pro regulâ Fidei assignetur.

Respondetur, esse quidem sacram Scripturam variis locis obscuram, quod etiam testatur Sanctus Petrus Epist. 2. cap. 3. vers. 16, ubi de Epistolis D. Pauli loquens: *In quibus, inquit, sunt multa difficultas intellectu, & Psalmi 118. vers. 18.* orat Propheta Regnus ut Deus ipsi Scriptura intelligentiam concedat: *Revela oculos meos, & considerabo mirabilia de lege tuâ.* Hæc verò obscuritas provenit, tum ab akitudine & sublimitate rerum, quæ ibi continentur, tum ex brevi & succincto scribendi modo, & summa etiam mysteria paucistradendi. Hinc autem solum confitetur, dari debere regulam aliquam vivam, ad quam tanquam ad oraculum pro difficiliorum locorum Scriptura explanatione debeamus configurare, nempe Ecclesiam, nec Scripturam sacram proprio ac privato iudicio esse intelligendam. Ad rem etiam verò insuper divinarum literarum intelligentiam plurimum conductit unanimis consensus Patrum, ut docet Concilium Tridentinum sess. quartâ citatâ: quibus proinde, ubi in eadem loco alicuius Scriptura interpretatione conspirat, refragari prohibet eodem loco Concilium: nam, ut docet S. Augustinus 18. de Civitate Dei, c. 41. non est verisimile Patres sine peculiari Spiritus Sancti assistentiâ hoc modo in ea explicatione confitire.

Ad id quod numero tertio addebatur, varios esse Scripturæ sensus, & inde etiam nasci illius obscuritatem: fateor ita esse, sed hoc solum probat quod numero præcedente diximus, dari scilicet debere regulam vivam, cuius hac in re iudicio stare oporteat, & illius interpretationem pro verâ & certâ admittere. Ut verò quedam de hac sensuum varietate adscribam, quam bene declarat Suarez, & alii: Scriptura sensus est duplex, primus *LITERALIS*, qui per verba directe & immediate significatur. Hic verò sensus duplex est, *PRIVUS ET METAPHORICUS*, quem verba prout sonant, & in genuina acceptance denotant, ac *METAPHORICUS*, quando scilicet verba à proprio sensu ad imprimum transferuntur. *SENSUS MYSTICUS*, quem aliqui spirituale appellant, est ille, qui non tam in verbis, quam in rebus per verba significatis continetur, nam, ut recte Suarez & alii, in divino sermone non verba solummodo, sed ipsæ etiam res per verba denotata significant. Hic verò sensus est triplex, *TROPOLOGIUS*, qui & *MORALIS* dicitur, & ad mores pertinet: *ANAGOGICUS*, qui secundum omnes ad statum felicitatis aeternæ, ac beatitudinem refertur. Tertijs sensus est *ALLEGORICUS*, qui ad presentis vita, seu Ecclesia militantis statum, & Christi Domini mysteria declaranda atque illustranda ordinatur.

OBJICES

**VI.** Objicies tertio: Quædam à scriptore cano-  
Obj. Varia nico aliquando ex proprio spiritu Scripturæ in-  
in Scripturæ terteri, quæque divinæ inspiratione ac spiritu vi-  
contineri, que divino  
Spiritum vi-  
datur in-  
digna.

videtur indigna, qualia sunt familiares quædam  
salutations in Epistolis Apostolorum, Tobiam  
habuisse canem, & id genus alia: si ergo aliqua  
in Scripturæ sint purè humana, seu proprio spi-  
ritu à scriptore illo exarata, unde nobis consta-  
bit omnia non esse hujusmodi, sicne nihil cer-  
tum & infallibile in Scripturæ habebimus.

**VII.** Respondet nihil omnino esse in Scripturæ  
Nihil in  
Scriptura  
reperiatur,  
quod non sit  
scriptum ex  
inspiratione  
Spiritus  
Sancti.

quod spiritu humano & proprio exaratum sit, sed quicquid in eâ est, procedit à Spiritu Sancto, & ex illius instinctu & inspiratione scribitur. Semper ergo scriptio est ex inspiratione divinæ, quamvis factum vel statutum non sit semper peculiari modo à Spiritu Sancto. Hoc constare videtur ex illo Apostoli prima ad Corinthios 7. vers. 10. & 12. ubi de nonnullis dicit: *Principio non ego, sed Dominus: de aliis verò: Ego dico, non Dominus: & hoc tamen & illud ex Spiritus Sancti inspiratione est literis ab Apostolo mandatum.*

**VIII.** Objicies quartò: Regula uniformis semper  
Quo pacto  
sacra Scri-  
ptura sit  
regula uni-  
formis.  
  
Concilii Tri-  
dentini cir-  
ca Scriptu-  
ram decre-  
ta.

& eadem esse debet, Scriptura autem tum ob variis in diversa idioma translationes, tum differentes in eadem lingua lectiones varia videtur, ergo adhiberi nequit pro regulâ uniformi. Respondet, Concilium Tridentinum ut difficultati, que ex varietate diverfarum Scripturae editionum, lectionum, & translationum oritur, occurreret, hanc edidit sanctionem sess. 4. §. 2. Statut & declarat (Sancta Synodus) ut hec re-  
tus, & vulgata editio, qua longo tot seculorum usu  
in ipsa Ecclesiâ probata est, in publicis lectionibus, dis-  
putationibus, predicationibus, & expositionibus pro  
authenticâ habeatur, & ut nemo illam rejicere,  
quovis prætextu audeat vel presunat.

### SECTIO TERTIA.

#### De Traditionibus: & an sint infalli- bilis regula Fidei.

**I.** Quid. &  
quæduplex  
in Tradicio.

**Traditiones  
doctrinales  
& morales.**

**II.** Ceterum est  
dari in Ec-  
clesiâ prædi-  
cari tradic-  
tiones.

**T**RADITIO, ut vox ipsa sonat, est quid datum seu traditum: in præsenti verò significat doctrinam ad religionem spectantem, quæ nec ab Hagiographis nec Ecclesiâ sive scripta, quæ de causa vocatur Verbum Dei non scriptum. Si ergo à Christo immediate profecta sit, dicitur traditio divina; si ab Apostolis, ut est illa, quæ scilicet bigamus non sit ordinandus, appellatur Apostolica; si denique ab Ecclesiâ, Ecclesiastica. Traditiones verò Apostolorum & Ecclesiæ ad religionem pertinentes sunt etiam Verbum Dei, upote à Deo ipsis inspiratae, juxta illud Matthæi 10. vers. 20. *Non enim vos estis qui loquimini, sed spiritus Patris vestri, qui loquitur in vobis:* quæ proinde sunt etiam regula infallibilis Fidei, non minus quam Scriptura ipsa. Ha porro traditiones partim doctrinales sunt, partim morales.

Dari itaque in Ecclesiâ hujusmodi traditiones constant est Catholicorum omnium sententia contra nostri temporis sectarios. Probatur pri-  
mò ex illo Epistola 2. D. Pauli ad Thessalonicenses, cap. 2. vers. 14. *Itaque fratres state, & tenete traditiones, quas didicistu sive per sermonem, sive per Epistolam nostram.* Idem ostenditur ex illo 1. ad Corinthios cap. 11. vers. 2. *Laudo vos*

fratres, quod per omnia mei memores esis; & sicut traxisti vobis, precepit mea tenetis. Pluta sacre Scripturæ ad hanc veritatem probandam testimonia videri possunt apud Tannerum hic, Disp. 1. q. 5. dub. 3. numero 98. & 99.

Hoc insuper in variis Conciliis definitur, ut in septima Synodo, Aetione secundâ, in quinta Ex Conciliis  
Synodo Constat. Aet. 10. & iam novissime in Ex Patribus  
Concilio Tridentino, sessione quartâ. Accedunt  
Patri, qui non semel hanc veritatem nobis aper-  
tissime tradunt: unde S. Augustinus Epistola ter-  
tiâ, & 86. & libro secundo contra Julianum,  
de Patribus loquens sic habet: *Quod invenerunt  
in Ecclesiâ, tenuerunt, & quod à suis Patribus didi-  
cerunt, nobis tradierunt, & à nobis idem facien-  
dum S. Doctor esse affirmat. Idem docet San-  
ctus Irenæus libro 3. cap. 3. & 4. S. Dionysius,  
Chrysostomus, Cyprianus, & alii: omnium an-  
tem clarissime S. Basilius libro de Spiritu Sancto,* Varia san-  
ctorum Patri-  
rum tra-  
ditionum refi-  
monia.  
cap. 7. ubi cum dixisset quædam dogmata esse  
scripta, quædam ex traditione Apostolorum, sic  
subiungit: *Vra que parem vim habent ad pietatem.* Capite etiam 29. art: *Apostolicum esse, etiam tra-  
ditionibus non scriptis inhereere.*

Deinde ante Moysen nulla erat Scriptura, & nihilominus erat Fides, & varia ob auctoritatem divinam credebantur: quod etiam contigit post Christum, octo illis annis antequam S. Mathæus, qui fuit primus scriptor canonicus, scripsit Evangelium, ergo illis temporibus traditio erat certa regula Fidei, ergo etiamnum est in iis rebus, quæ in Scripturâ non exprimitur, qualia sunt quod ipsa Scriptura sit authentica, quod dies Dominicus celebrandus sit loco Sabbathi, Sanctissima Matris Dei perpetua virginitas contra Helvidium, & alia, quæ Fide certa habentur, & tamen in Scriptura non reperiuntur, ut est manifestum.

Dices primo: It ipsam Scripturâ variis locis prohibetur, ut Deuteronomi 4. & Apocalypsis 22. vers. 18. ne quis aliquid Scripturæ tanquam doctrinam Fidei adjiciat; sed secundum nostraditiones sunt hujusmodi, ergo. Respondet primò, illis locis aliud non prohiberi, quæ nequid Scripturæ addatur tanquam pars illius, traditiones autem hoc modo non adduntur, sed ut quædam præter ea, quæ in Scripturâ sunt, credenda & obseruanda. Deinde locis illis solum prohibetur ne quidquam Scripturæ addatur ei contrarium, quodque sensum illius mutet & corrumpt: & hujusmodi traditiones vocantur in di-  
vinis literis traditiones hominum, non verò illæ, de quibus hic loquimur, quæ nimis vel à Christo, vel Apostolis, vel Ecclesiâ auctoritate kominum, divina credenda fidelibus proponuntur.

Dices secundò: Hinc plurimum de dignitate Scriptura detrahi, ejusque excellentia derogari, utpote quæ diminuta censemur, si quidquam ad Fidem pertinens, seu quod necessarium est ad credendum, in eâ non continetur. Imo hoc exp̄s̄ videtur contra Apostolum 2. ad Timotheum tertio, vers. 18. & Sanctos Patres afferentes Scripturam sufficere ad salutem. Respondeatur, non velle Patres omnia omnino credenda, quæ ad salutis consecutionem conferunt, in Scripturâ explicitè contineri, sed præcipua tantum Fidei mysteria, quæque capita ac fundamenta sint unde alia deducantur: novum enim Tertianum Quare Scri-  
brevi & conciso modo est scriptum, qua de cau-  
sa, ut notat Suarez, à Patribus appellat Ver-  
bum abbreviatum. Deinde Scriptura non probat expressè se esse Scripturam, sed hoc habetur ex traditione